

永樂大典

三九

228566

新加坡工學院圖書館

卷〇二九〇	卷〇二九一	卷〇二九二	卷〇二九三	卷〇二九四
人字	人字	人字	人字	人字



永樂大典卷之二千九百七十八 九真

人

長人

太平御覽禮斗威儀曰。君乘土而王其民長君乘金而王其民洪白長大。周書曰。丘陵之人專而長。帝王世紀曰。禹長

九尺九寸。殷湯長九尺。季歷之妃生文王昌。身長十尺。孟子曹交問曰。交聞文王七尺。湯九尺。今交九尺四寸以長。食粟而已。如何則可。春

秋演孔圖曰。孔子長十尺。大九圍。坐如蹲龍。立如牽牛。就之如昂望之如斗。吳越春秋曰。伍子胥見吳王僚。僚望其顏色甚可畏。長一丈。大十圍。

眉間一尺。王僚與語。三日辭無復者。胥知王好之。每入言。倍有勇壯之氣。環語曰。齊景伐宋至曲阜。夢見大君子甚長而大。天下而小上。其言甚

怒好仰。晏子曰。若是則盤庚也。夫盤庚之長九尺有餘。天下小上。白色而髯。其言好仰而聲上。公曰。是也。是怒君師不如達之。遂不伐宋也。史記

曰。晏子為齊相。出其御之妻從門窺其夫為相。御擁大蓋。策駟馬。意氣陽陽。甚自得也。既而歸。其妻請去。夫問故。妻曰。晏子長不滿六尺。身相齊國。

名顯諸侯。今者妾觀其出。志念深矣。常有以自下者。今子長八尺。廼爲人僕御。然子之意。自以爲足。妾是以求去也。其後夫自抑損。妾子恆而問之。以實對。薦以爲大夫。漢書曰。東方朔上書曰。臣朔少失父母。長養兄嫂。年十三學書。三冬文史足用。年二十二。長九尺三寸。車千秋長八尺餘。體貌甚麗。武帝見而悅之。金日磾父以不降見殺。與母閼氏弟倫俱沒入官。輸黃門養馬。日磾長八尺二寸。容貌甚嚴。馬又肥好。上異而問之。以本狀對。上即日賜沐衣冠拜爲馬監。王商長八尺餘。身體洪大。容貌紀人。第于未朝。見商而拜。王莽夙夜連率。韓博上言。有奇士長一丈六寸。圍米至臣府曰。欲奮擊胡虜。自謂巨母。霸出於蓬萊。東南五城。西北昭如海。瀕。輜車不能載。三馬不能勝。即日大車四馬。建虎旗。載霸詣闕。則枕欵以鐵著食。此皇天所以輔新室。朱雲字子游。魯人。少時通輕俠。客身長八尺餘。貌甚壯。以勇力聞。年四十乃變節。從博士白子反受易。淮南子曰。朱儒問天高於脩人曰。吾不知。曰。子雖不知。猶近之於我也。故凡問事必於近之者。後漢書曰。趙一。字元叔。體貌魁梧。身長九尺。望之甚偉。恃才倨傲。東觀漢記。馮勤字衡伯。魏郡人。曾祖父揚宣。帝時爲弘農太守。有八子。皆爲二千石。趙魏間榮之。號萬石馬。兄弟形皆偉壯。唯勤祖優。

知長不滿七尺常自謂短陋恐子孫似之乃爲子沉娶長妻生勣長八尺三寸賈逵長八尺二寸京師爲之語曰問事不休賈長頭華嶠後漢書曰趙一字元叔漢陽人體貌魁梧身長八尺美鬚眉望之甚偉范曄後漢書曰虞延字子大陳留人延生其上有物若一尺絹遂上升天占者以爲吉及身長六尺六寸腰帶十圍力能扛鼎大將軍袁紹從兵冀州遣使要鄭玄大會賓客玄最後至乃延升上坐身長八尺飲酒一斛秀眉明目容儀溫偉郭林宗儀貌魁岸身長八尺聲如鐘袁宏漢記曰長樂衛尉馬騰其長八尺身體洪大而鼻雄異而性質厚人多敬之魏志許褚字仲康長八尺餘大十圍容貌雄異勇力絕人晉書曰羊祜身長七尺三寸美鬚眉太原郭奕見之曰此今之顏子也尹綽字景亮長八尺腰闊十圍魁梧有大志晉書載記曰劉曜子胤風骨俊茂爽朗卓然身長八尺三寸髮與身齊多力善射驍捷如風雲曜因以重之世說曰滿寵寵子偉偉子奮皆身長八尺三國典畧曰寇雋歸老不復朝覲天王思與相見乃令八朝雋身長八尺鬚髮皓然容止端詳音韻清朗天王與之同席而坐因訪洛陽故事不覺屢爲前脣祖冲之述異記曰符健皇始四年有長人見身長五丈語張靖曰今當太平新平今以閒健以妖妄召

靖繫之是月霖雨河渭泛溢蒲坂津監寇登於中涼得大履一隻長七尺三寸足跡稱履指長尺餘文深七寸涼州記曰呂光字世明連結豪賢好施待士身長八尺四寸目重腫于左肘生寅甲沉重質畧寬大有度量時人莫之識唯王猛布衣時異之曰此非凡人司馬彪序傳曰明祖父雋字元異博學好古個儻有大度長八尺三寸腰十圍儀狀魁岸行與衆有異鄉黨宗族咸影附焉三十國春秋曰燕徵其來萊太守王鸞驚身長九尺腰帶十圍貫甲跨馬不據鞍由銓燕王德見而奇其魁偉賜之食一進一斛餘德驚曰所敬如此非耕而能飽但才貌不凡堪爲貴人可以一縣試之繇是拜逢陵長甚有治績崔鴻前秦錄曰庶溫字處嘿西平人也身長八尺腰帶十圍清辯善論雄武便弓馬孝友直亮聲高一時車頻秦書曰符堅時有申香長十尺以上爲拂蓋郎裴景仁秦書曰姚萇園符堅遣僕射尹緯詣闕陳事堅見緯貌魁梧志氣秀傑腰帶十圍瑰偉異常薦而問曰卿於朕世何爲所作緯答曰尚書令史堅笑曰卿宰相才也宋書南郡王義宣爲荊州刺史白哲美鬚眉身長七尺五寸腰帶十圍齊書曰王茂先身長八尺絮白美容儀齊武帝布衣時常見之歎曰王茂先年少堂堂如此必爲公輔劉善明平原人也長八尺九寸質

素不好聲色。北齊書曰。肅宗孝昭皇帝。諱演。字延安。聰敏有識度。深沈能斷。不可窺測。身長八尺。腰帶十圍。儀表望風。迥然獨秀。周書曰。庾信字子山。幼而俊邁。聰敏絕倫。博覽羣書。尤喜春秋左氏傳。身長八尺。腰帶十圍。容止頽然。有過人者。北史隋本紀。高祖仁壽四年六月庚午。長人見於鴈門。隋書五行志。陳永定三年。有人長三丈。見羅浮山。通身潔白。衣服楚麗。京房占曰。長大見亡。後二歲帝崩。唐書李義球身長八尺。博學多識。高宗每有顧問。言皆切直。胡仲子葦杭。游集長人詩。裾長難掩膝。絕似漢金人。樓志幻全體。天丁現後身。眼高傾四海。力大引千鈞。手挽銀河水。未消。

絕域長人

太平御覽。河圖玉板曰。從崑崙以北九萬里。得龍伯國。人長三十丈。生萬八千歲而死。從

崑崙以東。得大秦國。人長十丈。從此以東十萬里。得佻吐調國。人長三丈五尺。從此以東千里。得中秦。人長一丈。龍魚河圖曰。天之東西南北極。各有銅頭鉄額兵。長三千萬丈。三千億萬人。天之東西南北極。各有金剛敢死力士。長三千丈。三千億萬人。天中有太平之都有都甲。食鬼鉄面兵。長三千萬丈。三千億萬人。家語曰。吳伐越。聚會稽。獲巨骨一節。專車載焉。吳子使來聘。魯以問孔子。孔子曰。丘聞昔禹致羣臣於會稽之山。防風

氏後至禹戮之其骨節專車容曰防風何字也子曰杜國之君守封囑之
山為漆姓在虞夏商為杜國氏於周為長翟氏今日大人容曰人之長極
幾何子曰長者不過十大數之極也尚書洪範五行傳曰長狄之人長
蓋五大餘也左傳文公十一年冬十月敗狄于鹹獲長狄僞如富父終
蠆僞其喉以戈殺之埋其首於子駒之北門以命宣伯得臣國名宣伯曰
僞如以徃其功公羊傳文公曰長狄兄弟三人一者之齊王子城父殺之
一者之魯叔孫得臣殺之則未知其之晉者也穀梁傳魯文公十一年
叔孫得臣敗狄于鹹獲長狄也兄弟三人迷宮中國得臣善射射中其目
身橫九畝斷其首而載之肩見於軾春秋考異郵曰長狄兄弟三人各
長百尺狄者陰氣時中國衰有夷狄萌列子曰渤海之東有大壑焉中
有五山一曰岱輿二曰員嶠三曰方壺四曰瀛州五曰蓬萊聖人居之帝
使巨鼇十五舉首而戴之遂為三番龍伯之國有大人一釣而連六鼇合
負而歸於是岱與員嶠二山沉於大海帝憑怒使滅龍伯之國使小至伏
羲神農時其國人猶長數十丈神異經曰東南有人焉周行天下其長
七丈腹圓如長箕頭箕頭髮順亂也不飲食朝吞惡鬼三千暮吞二百不
咋鉤格切此人以鬼為飯以霧露為羹名天郭一名食耶吞食邪也一名

黃父

黃父鬼。俗人依此谷而名之。又西杜海外有一人焉。長二千里。兩脚

中間相去千里。腹圍一千六百里。但飲天酒。天酒甘露也。不食五穀魚肉。

忽有飢時。尚天乃飽。好山海間不犯百姓。不干萬物。與天地同生。名無路之人。言無路者高大不可為路也。一名仁。禮曰仁也。一名信。與天地俱生

而不洗。故曰信一名神。又西南大荒中有人焉。長一丈。其腹圍九尺。踐

龜蛇。戴朱鳥。左手憑青龍。右手憑白虎。知河海斗斛。識山石多少。知天下

鳥獸言語。知百穀草木莖苦。名曰聖一名哲。一名光通。一名無不達。凡人

見拜者。令人神智。又東南隅大荒之中。有村父焉。夫婦並高千里。腹圍

百輛。百輛。闊千里也。天初立時。使夫妻導聞百川。嫺不用意。隨其夫妻並

立東南。男露其勢。女彰其袂。整嚴陰陽。氣息為人。不畏寒暑。不飲不食。須

黃河清。當復更使其夫妻導百川。蜀王本紀曰。蔡襄王時。宕渠郡獻長

人二十五丈六尺。拈地圖曰。大人國。孕三十六年而生。生兒白首長丈

外。國圖曰。大秦國人長一丈五尺。猿臂長脅。好騎駱駝。漢武故事曰。

公孫卿至東萊。云見一人長五丈。自稱巨公。牽一黃犬。把一黃雀。欲謁天

子。因忽不見。淮南子曰。東方之人長一丈。孫綽子曰。海人與山客。辨

其方物。海人曰。橫海有魚。額若華山之頂。一箭萬頃之波。山客曰。鄧林有

木園三萬尋直上千里。傍陰數國東極有大人斬木爲冢短不可枕釣魚
爲鮮不足充饋。饋音通。幸氏三秦記曰燉煌西盡大秦隔海心無憂遇善
風不經二十日得渡心憂數年不得渡誘曰心無憂患不經二旬必若憂
患遠離三秦士人賢直男女皆長一丈端正國主風雨不和則讓賢而治
之。郭子橫洞冥記有文提國人長三丈二尺有三手一手當臂手足各
三指張華博物志有一國亦在海中一布衣從海浮出其身如中國人衣
兩袖長二丈又得一破船隨波出海岸邊有一人項中復有面生得與語
不相通不食而死其他皆在沃沮東大海中夷堅志明州人泛海值昏霧
四塞風大起不知舟所向天稍開乃在一島下兩人持刀登岸欲伐薪望
百步外有小篠籬入其中見蔬茹成畦意人居不遠方躊躇摘菜忽聞拊
掌聲視之乃一長人高出三四丈其行如飛兩人急走歸其一差緩爲所
執引指穴其肩成竅穿以巨藤縛諸高而去俄頃聞首戴一鎧復來此人
從樹杪望見之知其且烹已大恐始憶腰間有刀取斫藤忍痛極力僅得
斷遂登舟斫纜離岸已遠長人入海追之如履平地水才及腹遂至前執
船發勁弩射之不退或持斧斫其手斷三指落船中
乃舍去指麤如椶徐兢明叔云嘗見之何德獻說

臨洮長人

太平廣記蔡始皇時長人十二見於臨洮皆夷服於是鑄銅侯十二枚以賜之蓋漢十二帝之瑞也

宕渠長人

太平

廣記蜀漢老言宕渠故實國今有實城廬城蔡始皇時有人長二十五丈見宕渠秦史吳母敬曰是後五百年外必有異人為大人者及李雄之王其祖出自宕渠有識者皆以為應

赤憤長人

太平廣記魏郡張本富貴宅與陳應應舉家疾病責與何文文先獨

持大刀暮入北堂梁上一吏中有一人長丈餘高冠赤憤呼曰細腰細腰應諾何以有人氣答無便去文因呼細腰問長人為誰答曰金也在西壁下問君是誰答曰我杆也今立竈下文掘得金三百斤燒去杆由此大富宅遂寧

外國長人

鄧氏聞見

公見一道人言嘗汎海遇舶風泊岸與數人下採薪有巨人數十長丈餘相呼之聲如禽獸盡捉以去用竿竹魚貫之食以薦酒道人者偶在其竹末巨人醉睡走登船得脫因解衣出其所穿跡在脇下康節先公曰四海之外何所不有但人耳目不能及耳張氏可書明州一海船附帶到廣州一兵已在一海船上發廣州遇飄至一山下兩人上岸行三四里見二長人鋤各長三丈餘兩人前往問路二長人倚鋤相視而笑久之遂以手

拈兩人在掌中戲玩。兩人皇恐再拜。皆笑語不可曉。一長人以手拾兩人置山穴中。用一大石塞口而去。少頃携一大瓢貯酒來。二長人對酌。兩人於竇中覘之。惟深皇惧。二長人酒盡欲醉。一長人起取塞石。拈一人出。兩手捉兩脚。劈作兩片。各餽其一。遂醉卧。老兵石穴中伺其睡。奔出竇。伏田野中。望見有海船過。哀鳴求救。

新羅長人

新唐書東夷新羅傳。新羅長人者。類長三

尺。鋸牙鉤爪。黑毛覆身。不大食。噬禽獸。或搏人以食。得婦人以治衣服。

溪洞長人

夷堅支德興士人李扶字助國。

以恩科得官。調宜州司理參軍。慶元初。滿秩還鄉。云宜州溪洞近歲產一怪物。狀如人。長一丈許。遍體生鱗甲。但以布帛纏絞。獨據野廟。寢處莫測。所由來。初惟搏食畜獸。浸浸及人。皆從頭至足生啖之。洞丁不勝苦困。屢聚黨數百往攻。聞惟望人至輒遁。升山顛。運巨石而下擊。衆走避。不暇。雖操疆弩傳箭四面亂射之。莫能入。姑焚其所居。具設筭於往來之處。而為惡益甚。洞丁出入須什什伍伍。持矛鳴鑼。以自防衛。不與相值。則已。僮人徒稍弱。必遭追逐。步既憊而行又捷。或遲鈍。在後立為所獲。壯有膽者。敵以利刃如刺。堅石殊不能傷。在田疇耕穫。少失瞻顧。定有性命之虞。闔

洞千口。惟賊者殆半。不聊厭生。悉徙避城郭。赴愬于郡。可發屯兵圍捕之。聞其不畏鋒鏑。更無策可治。獄有重囚曰馬超。迹檢者武驚悍勇。坐殺
人久繫。固自獻其技。曰。願取此。惟首以贖罪。只得一鐵椎。重三十斤。當獨
往。宜守欲聽之。或疑說。說計未脫。乃質其妻子。旋鍛鋼鐵。鑄大椎。遣之。別
運五十兵。取詣洞。迨至。杳無形影。信步到一寺。見微徑。髻髻似有大足跡。
知必在彼。將入門。厲聲叱喝。示威。且警使出。復寂然直進。次方丈。脫傍室。
野獸毛骨縱橫。塞路無床榻。几席。惟編蓬上堆疊敗絮。碎帛。全如大窠。蓋
其宿卧處也。馬潛伏室內。以俟。料曉歸。必由三門。於是側身出。掩諸扉。獨
留一扇。施拐撐柱之。傾耳審聽。俄聞山下砉然有聲。乃此物負雙鹿穿林
而來。馬亟起發。扁陷其一足。痛甚。以椎仆於地。舉頭見人。搖牙憤憤。欲作
敵。而為鹿所壓。不能興。猶翻手搦馬生脚。按其肌肉一大片。馬連運椎格
其腦。遂斃之。拔佩劍斷頭。流血數斗。呼集隨行兵。昇屍獻于郡。洞蠻頭躍
歡謝。各送故棲。群以事上。諸朝詔貸馬罪。還元官。李林及見雉屍言之。尚
怖栗。馬超之勇而有智。蓋暗合唐韋自來殺二野人之法也。李可強說

海島長人

河澹縣志。建炎間。泉州有人泛海。值惡風。漂至一
島。其徒數人登岸。但見花草甚芳美。初無路徑。行八

一大林有溪限其前水石清淺衆皆揭涉得一徑入大山谷間俄見長人數十身皆丈餘耳垂至腹即前擒數人者每兩手各挈一人提攜而去至山谷深處舉大鐵籠罩之長人常一人看守倦即卧石上撻其耳為枕馬時揭罩取一人梳去其衣衆共裂食之內一人竊於罩下掘土為窟每守者睡熟即極力掘之穴透得逸走至海濱值番舶得遂言其事莫知其何所也或原鄭至咸平志說姑蘇長人岳珂

程史余兄周伯以淳熙丙申召為長府簿時姑蘇有民家姓唐一兄一妹其長皆丈有二尺里人謂之唐大漢不復能嫁娶每行勸倚市廛憩坐如堵牆不可出出輒傾市從觀之日喧斗餘無所得食因適野為巨室受困衆蓋立園外即可舉手以致不必以梯也是背微偃有瑄以輅使客見之大驚遂入奏詔廩之殿前司時郭為帥周伯問一往必敬嘆其聲如鐘德壽時欲見之懼其聚民乃卧之浮于海至望仙舟焉夢

殿前長人

南史陳本紀後主禎明二年沈若道夢殿前長人來衣武冠詳夢

射什長人

唐新

書王方翼列傳方翼早孤哀毀如成人時號孝童嘗夜行見長人丈餘引弓射什之乃朽木也太宗聞擢右千牛馬純陶朱新錄眉山程之祥朝

議守單父云崇寧二年蜀中大水江中流下一褐衫爲人所傳長二三丈先是有數獵者從禽于峨嵋山行十餘日忘路之遠近者至一處山川極險深隔澗有長人踞坐旁一虎循若猶大因發弩以藥矢射之且仆虎乃轉山而去獵者欲過澗視之腥不可近即登大樹伺之須臾其輩五六人或男或女來視中箭者左右瞻顧若求其饌即而扶舁以出獵人歸話于人皆莫之信至是始驗其不妄乃知深山窮谷固有異物也

夜

見長人

史記孝武紀公孫卿候名山至米萊言夜見一長人長數丈就之不見見其跡甚大類禽獸云

入水

見長人

禪林類聚法原門云投子青僧問師唱誰家曲宗風嗣阿誰師云威音前一箭射透兩重山云如何是相付底事師云

金因淮地月得照野陽春云悠度則入水見長人

短人

太平御覽方言曰蠶蠟猶指反短也江湘之會謂之蠶昨格反又曰齊桂

林之中謂短蠟來揚之間謂之備今俗呼小爲蠟蠟也備言備視曰名云荀卿子非相篇曰帝舜短周公短楚葉公子高微小短齊行若不勝衣

而定楚國家語曰高柴齊人字子羔長不過六尺狀貌甚惡爲人罵孝居魯見知左傳賦紇敝鄣侵郛敗於狐駘賦紇或什也鄣屬魯故救之

孫臏也國人誦之曰我君小子朱儒是使朱儒朱儒使我敗於郛魯東公幼弱故曰小子臧荻短小故曰朱儒晏子春秋晏子短小使楚楚人爲小門而迎晏子晏子曰使狗國者從狗門入今臣使楚不當狗門入王曰全齊無人耶使子爲使晏子曰齊之臨淄張袂成帷揮汗成雨何爲無人使賢者使於賢國使不肖者使於不肖之國以嬰爲不肖故使王耳古文環語曰齊景公伐宋至曲陵夢見一短大夫賓於前晏子曰君所夢何如哉公曰其賓者甚短大上小下其言甚怒好倪晏子曰則如伊尹甚大而短大上小下赤色而髯其言好倪而下聲公曰是矣晏子曰是怒君師不如違之遂不果伐宋劉向說苑曰齊遣淳于髡到楚爲人短小楚王甚薄之謂曰齊無人而使子來何長也對曰臣無所長臣腰中七尺之劍欲斬無狀王王曰止吾但戲子耳即與髡共飲酒張華博物志曰齊桓公獵得一鳴鶴宰之噉中得一人長三寸三分着白土之袍帶劍乘車馬置瞋目後又得一折齒方圓三尺問羣臣曰天下有此及小兒否陳章谷曰昔秦胡老一舉渡海與齊魯交戰傷折版齒昔李于敖於鳴鶴噉中遊長三寸三分史記曰秦倡朱儒優旃始皇時置酒天雨陞者寒旃矜之乃大呼曰汝雖長尚立我雖短故幸休始皇乃使皆代漢書曰嚴延年

為人短小。精幹敏捷於事。雖子貢冉有過於政事不能繼也。樓護為人短小。精辨論議。常依名節。與谷永俱為伍侯上客。東方朔待詔公車。奉祿薄。朱儒得省見久之。朔始嘗追駟朱儒。師古曰。朱儒。短人也。臨廐之御。從軍擊虜。不任事。無益於國用。徒索衣食。今欲盡殺若輩。朱儒大恐。啼泣。朔教曰。上即叩頭請罪。居頃聞上過。朱儒皆號泣頓首。上問何為對曰。東方朔言上欲盡誅臣等。上知朔多端。召問何恐。朱儒為對曰。臣朔長九尺三寸。俸一斛。粟米二百四十。朱儒長三尺餘。亦一斛。粟錢二百四十。朱儒飽欲死。臣朔飢欲死。上大笑。因待詔金馬門。郭解為人短小。恭儉。諸公以此重之。蔡義為丞相。時年八十餘。短小。常兩吏挾乃能行。張蒼不滿五尺。蒼父八尺餘。蒼子復長八尺。及孫毅長六尺餘。宣帝時。渤海盜賊起。上以龔遂為太守。召見。遂形貌短小。帝見心內輕焉。及對賜黃金。乘傳去。纂文曰。漢光武時。潁川張仲師長二尺二寸。亦出王充論衡。謝承後漢書曰。汝南周滂字次彥。世祖到常山。問可治兵者。誰。滂舅以滂對。世祖見滂短小。以為不能。將帥滂對有詞理。拜潁川府丞。求觀漢記曰。張重日南計。史形容短小。明帝問云。何短小。史答曰。臣日南計。史非小史也。

表宏漢記陰后短小舉止有失儀左右掩口而笑汝南先賢傳曰用
舉字宣光姿貌短陋有晏子之風陸胤廣州先賢傳曰徐儼字君外爲
人短小果敢劉彥明煥煌實錄曰沈游字世震博學善屬文爲人短小
弱冠屢陳損益魏志曰樂進字文譙容貌短小膽烈從高祖帳下吏
魏氏春秋曰魏武王姿貌短小神明英徹吳錄曰張蕃字仲輔爲人短
小顧譚以短戲之曰朱儒朱儒有何德令我思君罔極三國典畧曰齊
孟業有盛名初司州牧清河王岳聞業名召爲法曹見其容貌短小笑而
不言及尋斷決之處乃謂業曰卿決斷之明可謂有過軀之用臧榮緒
晉書曰山濤字季道元庭疾不佳世祖聞其短小而聰敏欲見之濤面蒼
元自謂形宜絕人事不肯受詔論者奇之續搜神記曰司徒蔡謨親觀
有王蒙者單獨常爲蔡公所收養蒙長纔及三尺似爲無骨登牀輒令人
抱上桓譚新論曰諺云朱儒見一節而長短可知沈約宋書曰王敬
弘形狀短小而坐起端方劉瓛梁典曰徐摘起家太學博士周捨舉曰
臣外弟徐摘形質陋小若不勝衣而堪此選乃爲晉安王侍讀崔鴻前
涼錄曰宗醜字仲業慷慨有大志清素敦朴不好華競形狀短小體有鱗
甲仕至西平太守蔡邕短人賦朱儒短人焦僥之後出自外域戎狄別種